



Parlamentario Chris Dammers.

Parlamentario Chris Dammers di AVP:

Ley pa traha edificio multi functional den 5 bario aproba den Parlamento

ORANJESTAD - Parlamento a trata y aproba e ley ayera den cual e 5 hulpbestuurskantoornan lo wordo amplia den extenso pa acomoda edificionan cu uzo multi funcional.

E proyectonan aki lo wordo construi rond af banda di e 5 hulpbestuurskantoornan cu ta situa na San Nicolaas, Savaneta, Santa Cruz, Paradera y Noord.

E proyectonan aki lo bay crea un mixto di facilidadnan pa metanan pa uzo publico y pa metanan comercial, ariba un escala chikito. E facilidadnan aki mester trece den e barionan – banda di locual e hulpbestuurskantoornan por ofrece - facilidadnan deportivo, cultural, educacion (manera un biblioteca y espa-

cio pa internet), y tambe otro facilidadnan pa duna servicio general y pa bienestar general. Mirando e magnitud di e proyectonan aki por comprende cu e hulpbestuurskantoornan di Noord, Santa Cruz y Savaneta ya no tin espacio pa ampliacion y lo busca otro uzo pa esakinan of lo bende esakinan, y lo traha facilidadnan completamente nobo ariba un otro localidad, incuyendo e hulpbestuurskantoornan. Locual ta di spera ta cu un- abes cu e facilidadnan aki ta funcional e actividadnan aki lo percursa pa un “spin of effect” di otro comerciantenan cu lo kier establece un of otro negoshi banda di e facilidadnan aki.

Segun Dammers, Gobierno a

pasa den e trayecto largo di planificacion di mas cu 2 año, caminda cu a laga traha un programa di exigencianan dor di e compania Hulandes ICS Adviseurs, uzando e modelo (3G) den cual ta tene cuenta cu e uzo, e edificio y e localidad.

Den esaki a tende cuenta cu tur e normanan di humanidad pa cu e accesibilidad pa tur hende di e bario y pa tambe pa es nan cu cierto limitacionnan. A selecciona diferente arkitectonan di Aruba cu ya a trece nan plannan dilanti, cual nan tambe a keda presenta durante e reunion di Parlamento. Por papia di edificionan sumamente moderno, funcional y ecologicamente. □